

**JAVNA USTANOVA ZAVOD ZA MEDICINU RADA
KANTONA SARAJEVO**

Na osnovu člana 35. i 36. Statuta Javne ustanove Zavod za medicinu rada Kantona Sarajevo („Službene novine Kantona Sarajevo“, broj: 45/13 i 47/13), člana 6. Pravilnika o radu, unutrašnjoj organizaciji, sistematizaciji radnih mjesta i plaćama radnika Zavoda, broj: 02-374/18 od 19.04.2018. godine, Uredbe o postupku prijema u radni odnos u javnom sektoru na teritoriji Kantona Sarajevo ("Službene novine Kantona Sarajevo", broj: 19/21), Odluke Vlade Kantona Sarajevo, broj: 02-04-49132-6/20 od 08.12.2020. godine, saglasnosti Ministarstva zdravstva Kantona Sarajevo, broj: 10-30-25604/21 od 21.06.2021. godine i saglasnosti Ministarstva zdravstva Kantona Sarajevo, broj: 10-30-33797/21 od 14.09.2021. godine, raspisuje:

**JAVNI OGLAS
za prijem u radni odnos**

Javna ustanova Zavod za medicinu rada Kantona Sarajevo, raspisuje Javni oglas za prijem u radni odnos na određeno vrijeme, na period do 12 (dvanaest) mjeseci, za pozicije:

1. Ljekar u ordinaciji medicine rada u Službi medicine rada primarnog nivoa - 1 (jedan) izvršilac

2. Medicinska sestra/tehničar u Specijalističkoj službi sa dijagnostikom - 3 (tri) izvršioca

Prijem u radni odnos na neodređeno vrijeme, za poziciju:

3. Laboratorijski tehničar u Biohemijsko-hematološkoj laboratoriji - 1 (jedan) izvršilac

I

Opis radnog mjesta:

1. Ljekar u ordinaciji medicine rada

- vrši pregled i liječenje bolesnih i povrijeđenih radnika,
- vrši ocjenu radne sposobnosti, odnosno privremene nesposobnosti za rad,
- upućuje na ocjenu radne sposobnosti, uz odgovarajuću medicinsku obradu pacijenta,
- vrši zdravstveno prosvjeđivanje radnika,
- sastavlja izvještaje i analize za potrebe Zavoda,
- stručno nadzire rad medicinske sestre,
- obavlja i druge poslove prema potrebi,
- za svoj rad odgovara odgovornom ljekaru ili direktoru.

Mjesto rada: JU Zavod za medicinu rada Kantona Sarajevo, Bulevar Meše Selimovića 2

Vrijeme rada: 37,5 sati sedmično.

Osnovna plata: 1.973,40 KM

2. Medicinska sestra/tehničar

- vrši prijem pacijenata, evidentira ih, otvara nove kartone, popunjava različite statističke obrasce, te specifikacije o izvršenim pregledima,
- učestvuje u timskom radu sa ljekarom, kod preventivnih pregleda: periodičnih, prethodnih, sistematskih i drugih, te u pregledima vezanim za profesionalna oboljenja i bolesti rada,
- radi na poslovima funkcionalne dijagnostike,
- obavlja antropometrijska mjerenja,
- po diktatu ljekara, unosi podatke u računar,

- prikuplja nalaze, razvrstava ih i ulaže u kartone, ili ih unosi u računar sa zaključcima ordinirajućeg ljekara,
 - učestvuje u zdravstvenom prosvjećivanju pacijenata,
 - obavlja i druge poslove prema potrebi i nalogu glavne i odgovorne sestre, te ljekara sa kojim radi u timu,
 - za svoj rad odgovara neposredno ljekaru sa kojim radi, te glavnoj i odgovornoj sestri.
- Mjesto rada: JU Zavod za medicinu rada Kantona Sarajevo, Bulevar Meše Selimovića 2
Vrijeme rada: 37,5 sati sedmično.
Osnovna plata: 1.123,98 KM

3. Laboratorijski tehničar

- vrši stručno uzimanje biološkog materijala i njegovu obradu,
- izvodi kompletno analiziranje urina,
- samostalno obavlja jednostavnije biohemijske i hematološke analize,
- složenije analize obavlja u saradnji sa specijalistom medicinske biohemije (timski rad),
- upisuje gotove nalaze i izdaje ih,
- obavlja i druge poslove prema potrebi,
- za svoj rad odgovara neposredno odgovornom licu laboratorije.

Uslovi rada: potencijalna izloženost infekciji

Mjesto rada: JU Zavod za medicinu rada Kantona Sarajevo, Bulevar Meše Selimovića 2

Vrijeme rada: 37,5 sati sedmično.

Osnovna plata: 1.180,00 KM

II

Kandidati su dužni da ispunjavaju slijedeće uslove:

- da je državljanin BiH,
- da ima opću zdravstvenu sposobnost za navedenu poziciju,

III

Kandidati, pored uslova iz tačke II ovog Oglasa, treba da ispunjavaju i posebne uslove, i to:

1. Ljekar u ordinaciji medicine rada

VSS - dr medicine, 1 godina radnog staža.

2. Medicinska sestra/tehničar

SSS - medicinska sestra/tehničar, 1 godina radnog staža u struci.

3. Laboratorijski tehničar

SSS - laboratorijski tehničar, sa položenim stručnim ispitom i 1 godinom radnog staža u struci.

IV

Uz svojeručno potpisanu prijavu na Oglas, kandidati su dužni priložiti kraću biografiju i dokaze o ispunjavanju općih i posebnih uslova (original ili ovjerene kopije);

- uvjerenje o državljanstvu (ne starije od 6 mjeseci),
- izvod iz matične knjige rođenih,
- ljekarsko uvjerenje o zdravstvenoj sposobnosti (napomena: ovaj dokaz će dostaviti kandidat koji bude izabran),
- diploma/svjedočanstvo o završenom školovanju,
- uvjerenje o položenom stručnom ispitu,
- licenca za samostalan rad,

- potvrda o radnom stažu.

Radna knjižica/kopija, potvrda nadležnog PIO/MIO osiguranja o ostvarenom radnom stažu, ugovor o radu/volontiranju/djelu ne mogu poslužiti kao relevantan dokaz o radnom stažu.

Način podnošenja prijave:

Kandidati su obavezni dostaviti svojeručno potpisanu Prijavu na Javni oglas u zatvorenoj koverti, na kojoj je jasno naznačeno ime i prezime i adresa kandidata. Prijava na Javni oglas između ostalog treba da sadrži adresu i kontakt telefon, uz kratku biografiju sa traženim dokumentima (u originalu ili ovjerenoj kopiji) o ispunjavanju općih i posebnih uvjeta.

Zatvorena koverta sa naznakom „**Prijava na Javni oglas za prijem u radni za poziciju - _____**”. Prijave se dostavljaju na adresu: **JU Zavod za medicinu rada Kantona Sarajevo, Bulevar Meše Selimovića broj 2, Sarajevo**

Sa kandidatima koji budu ispunjavali tražene uslove biće obavljen pismeni i usmeni ispit o čemu će biti blagovremeno obavješteni.

Prioritet pri zapošljavanju

Prioritet/prednost pri zapošljavanju ostvaruju branioci i članovi njihovih porodica pod čim se podrazumijevaju lica iz člana 1. i 2. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo" broj: 45/12 – prečišćeni tekst, 26/14, 46/17, 18/19, 20/20 i 24/12 – Ispravka), a to su članovi porodica šehida/poginulih, umrlih i nestalih branioca prvenstveno djeca, ratni vojni invalidi i njihova djeca, djeca umrlih ratnih vojnih invalida, dobitnik ratnih priznanja i odlikovanja i njihova djeca i djeca poginulih, umrlih i nestalih dobitnika ratnog priznanja i odlikovanja, branilac, demobilizirani branilac i njegova djeca, dobrovoljac i njegova djeca, organizator otpora i njegova djeca, veteran i njegova djeca sa područja Kantona Sarajevo. Naprijed navedena lica, u skladu sa Zakonom o dopunskim pravima boraca-branitelja Bosne i Hercegovine ("Službene novine Kantona Sarajevo" broj: 45/12 – prečišćeni tekst, 26/14, 46/17, 18/19, 20/20 i 24/12 – Ispravka), Uredbom o jedinstvenim kriterijima i pravilima za zapošljavanje branilaca, članova njihovih porodica u institucijama u Kantonu Sarajevo, Gradu Sarajevo i Općinama u Kantonu Sarajevo ("Službene novine Kantona Sarajevo" broj: 37/20) i Instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca, članova njihovih porodica u Kantonu Sarajevo, Gradu Sarajevo i Općinama u Kantonu Sarajevo ("Službene novine Kantona Sarajevo" broj: 38/20), imaju pravo na prvenstvo u zapošljavanju, ako su na evidenciji JU Služba za zapošljavanje Kantona Sarajevo ili su zaposlena sa nižom stručnom spremom od one koju posjeduju.

Kandidati da bi ostvarili prioritet pri zapošljavanju trebaju da dostave:

- dokaz o prijavi prebivališta u Kantonu Sarajevo izdato od MUP KS (CIPS prijava)
- da su u evidencijama JU Služba za zapošljavanje Kantona Sarajevo evidentirani kao nezaposlene osobe ili dokaz da su zaposlena sa nižom stručnom spremom od one koju posjeduju, te
- dostaviti dokumentaciju kojom se dokazuje status korisnika prava, a prema tabeli koja je prilog navedene Uredbe.

rb	Pripadnost branilačkoj kategoriji	Naziv dokaza – dokumenta	Organ koji ga izdaje
1.	Član porodice šehida/poginulog, umrlog i nestalog branioca	- Uvjerenje o statusu djeteta šehida-poginulog, umrlog i nestalog branioca - Rješenje o priznatom pravu na porodičnu invalidninu za suprugu šehida-poginulog	Općinska služba za boračko-invalidsku zaštitu Grupa za pitanja evidencija iz oblasti vojne obaveze prema mjestu prebivališta

		umrlog i nestalog branioca - Uvjerenje o učešću u Oružanim snagama za šehida-poginulog, umrlog i nestalog branioca	
2.	Ratni vojni invalid	Rješenje o priznatom svojstvu ratnog vojnog invalida	Općinska služba za boračko-invalidsku zaštitu
3.	Dobitnik ratnog priznanja i odlikovanja	Rješenje o priznatom pravu na mjesečno novčano primanje dobitniku priznanja	Općinska služba za boračko-invalidsku zaštitu
4.	Demobilizirani branioci	Uvjerenje o učešću u Oružanim snagama	Grupa za pitanja evidencija iz oblasti vojne obaveze prema mjestu prebivališta
5.	Dijete: a) ratnog vojnog invalida b) dobitnika ratnog priznanja i odlikovanja c) demobiliziranog borca	Uvjerenje o statusu ratnog vojnog invalida Rješenje o priznatom pravu na: a) invalidninu b) mjesečni novčani dodatak c) uvjerenje o učešću u Oružanim snagama	a) i b) Općinska služba za boračko-invalidsku zaštitu c) Grupa za pitanja evidencij a iz oblasti vojne obaveze prema mjestu prebivališta

Vrednovanje će se izvršiti u skladu sa članom 6. pomenute Uredbe.

Javni oglas će se objaviti u dnevnim novinama, web stranici Zavoda www.medicinarada.ba i na internet stranici Javne ustanove "Služba za zapošljavanje Kantona Sarajevo".

Javni oglas ostaje otvoren 10 dana od dana objave u dnevnim novinama, zvanične web stranice Zavoda i na internet stranici Javne ustanove "Služba za zapošljavanje Kantona Sarajevo".

Prijave podnosene nakon isteka roka, odnosno bez potpune tražene dokumentacije, neće se uzeti u razmatranje.

Prikazani podaci o netto plati su informativnog karaktera. Elementi koji čine tačan iznos plate su promjenjivi u zavisnosti od broja radnih sati u mjesecu.

Za sva dodatna pojašnjenja, kontakt Služba za pravne, kadrovske i opće poslove, broj tel.: 033/720-185.